



Zur Publikation im Amtsblatt Mittelbünden (Pagina, Pöstli und Novitats) vom Donnerstag, 16. März 2017, bzw. Freitag, 17. März 2017

Publicaziun digl cumegn Albula/Alvra

ALBULA/ALVRA

www.albula-alvra.ch

Infurmaziuns dalla suprastanza digl cumegn Albula/Alvra:

Schaner / favrer 2017

- La suprastanza communalà ò examino ed approvo diversas dumondas da construcziun.
- L'incumbensa da planisaziun per igl prestudi dall'avertura forestala digl Gôt da Laresch a Brienz/Brinzauls, è neida surdada aigl biro d'inschignier bap, Summaprada.
- Igl preventiv 2017 dall'ARA Alvra è nia accepto e delibero. Chel demossa, risguardond en deposit da 20 000.00 fr. aint igl fondo spezial (art. 22 ZVV), costs totals da 267 000.00 fr. Siva dalla deducziun dallas antradas, restan per igls cumegns participos costs da 228 500.00 fr.; digls quals igl cumegn Albula/Alvra ò da surpiglier 112 788.00 fr.
- La suprastanza communalà ò approvo igl sboz dalla lescha da pulizeia ed igl sboz digl reglamaint da multas disciplinas e delibero chels per mangs dalla radunanza communalà.
- An cunvagnientscha cun la basa da pumpiers Alvra, è neida manada tras la recrutaziun 2017 digls commembers da pumpiers.
- La suprastanza communalà ò approvo la survista digls costs e la clav da repartiziun digls costs an connex cun la procedura da contribuziun «sanaziun Veia da vischnanca Piazza da vischnanca – Tgaplotta – Voia sot Baselgia», a Brinzauls.
- Per la sanaziun digl clutger ad Alvaschagn, ò la suprastanza communalà concedia en credit da 31 250.00 fr. (50% digls costs restants).
- Arisguard la reuniun dallas leschas da biagier, ò la suprastanza communalà delibero ena practica da lubientschas da biagier unificgeida per la concepziun e structura dad indrezs solars.
- La suprastanza communalà ò piglia cunaschientscha digl rapport final digl studi da realisabladad «Edifezi dall'administraziun» segl areal dalla staziun a Casti. Siva d'ulteriors sclarimaints concrets, vign la suprastanza communalà ad anvidar ad en'occurrer d'infurmaziun.

- Igls 16 da settember 2016 on votantas e votants consentia en credit brut per la sanaziun dalla Voia Viglia digl Bogn ad Alvagni vischnanca. Igl project prevediva d'allontanar la truasch da vischnanca existenta an favour d'ena restructuraziun planisada per l'antrada existenta dalla buteia VOLG. Sen basa da relaziuns midadas, ò igl project gia da neir surluvro; chegl vot deir tgi la truasch resta er siva dalla sanaziun dalla Voia Viglia digl Bogn agl post existent.
- Per la planisaziun, la projectaziun ed igl accumpagnamaint da construcziun dalla sanaziun digls conducts d'ava tigl edifezi da scola Cumpogna a Casti, è nia accepto en credit da 14 000.00 fr.
- La suprastanza communalà ò approvo e delibero per mangs dalla radunanza communalà la lescha dallas taxas generalas ed igl reglamaint dallas tariffas da taxas digl cumegn Albula/Alvra.
- La suprastanza communalà ò piglia cunaschientscha dalla revisiun digls statuts dall'Uniun Parc Ela.
- An connex cun igl sboz digl urari 2018/2019, ò la suprastanza communalà inoltro alla cumischung digl urari diversas propostas, tgi èn neidas fatgas davart dalla populaziun.

La suprastanza communalà